



中国经典名著

全唐诗

(三十五)

黄怀仁 齐思明 校正

学苑音像出版社

目 录

第四百四十六卷.....	1
第四百四十七卷.....	24
第四百四十八卷.....	66
第四百四十九卷.....	77
第四百五十卷.....	95
第四百五十一卷.....	114
第四百五十二卷.....	132
第四百五十三卷.....	154
第四百五十四卷.....	171
第四百五十五卷.....	216
第四百五十六卷.....	229
第四百五十七卷.....	242
第四百五十八卷.....	255
第四百五十九卷.....	268
第四百六十卷.....	282
第四百六十一卷.....	293
第四百六十二卷.....	303
第四百六十三卷.....	316

第六百四十六卷

题陈将军别墅

李咸用

明王猎士犹疏在，岩谷安居最有才。高虎壮言知鬼伏，
葛龙闲卧待时来。云藏山色晴还媚，风约溪声静又回。
不独春光堪醉客，庭除长见好花开。

湘浦有怀

李咸用

鸿雁哀哀背朔方，馀霞倒影画潇湘。长汀细草愁春浪，
古渡寒花倚夕阳。鬼树夜分千炬火，渔舟朝卷一篷霜。
侬家本是持竿者，为爱明时入帝乡。

题陈处士山居

李咸用

莲绕闲亭柳绕池，蝉吟暮色一枝枝。未逢皇泽搜遗逸，
赢得青山避乱离。花圃春风邀客醉，茅檐秋雨对僧棋。
樵童牧竖劳相问，岩穴从来出帝师。



和蒋进士秋日

李咸用

晚雨霏微思杪秋，不堪才子尚羁游。尘随别骑东西急，
波促年华日夜流。凉月云开光自远，古松风在韵难休。
男儿但得功名立，纵是深恩亦易酬。

陈正字山居

李咸用

一叶闲飞斜照里，江南仲蔚在蓬蒿。天衢云险驾骀蹇，
月桂风和梦想劳。绕枕泉声秋雨细，对门山色古屏高。
此中即是神仙地，引手何妨一钓鳊。

与刘三礼陈孝廉言志

李咸用

真宰无私造化均，年年分散月中春。皆期早躐青云路，
谁肯长为白社人。宋国高风休敛翼，圣朝公道易酬身。
大须审固穿杨箭，莫遣参差鬓雪新。



秋日送严湘侍御归京

李咸用

蟾影珪圆湖始波，楚人相别恨偏多。知君有路升霄汉，
独我无由出薜萝。虽道危时难进取，到逢清世又如何。
谁听甯戚敲牛角，月落星稀一曲歌。

题王处士山居

李咸用

云木沈沈夏亦寒，此中幽隐几经年。无多别业供王税，
大半生涯在钓船。蜀魄叫回芳草色，鹭鸶飞破夕阳烟。
干戈犹起能高卧，只个逍遥是谪仙。

谢所知

李咸用

狂歌狂舞慰风尘，心下多端亦懒言。早是乱离轻岁月，
谁能愁悴过朝昏。圣朝公道如长在，贱子谋身自有门。
却愧此时叨厚遇，他年何以报深恩。



秋望

李咸用

云阴惨澹柳阴稀，游子天涯一望时。风闪雁行疏又密，
地回江势急还迟。荣枯物理终难测，贵贱人生自不知。
未达谁能多叹息，尘埃争损得男儿。

送谭孝廉赴举

李咸用

鼓鼙声里寻诗礼，戈戟林间入镐京。好事尽从难处得，
少年无向易中轻。也知贵贱皆前定，未见疏慵遂有成。
吾道近来稀后进，善开金口答公卿。

途中逢友人

李咸用

大道将穷阮籍哀，红尘深翳步迟回。皇天有意自寒暑，
白日无情空往来。霄汉何年征赋客，烟花随处作愁媒。
相逢且快眼前事，莫厌狂歌酒百杯。



和人湘中作

李咸用

湘川湘岸两荒凉，孤雁号空动旅肠。一棹寒波思范蠡，
满尊醇酒忆陶唐。年华蒲柳雕衰鬓，身迹萍蓬滞别乡。
不及东流趋广汉，臣心日夜与天长。

赠陈望尧

李咸用

若说精通事艺长，词人争及孝廉郎。秋萤短焰难盈案，
邻烛馀光不满行。鹄箭亲疏虽异的，桂花高下一般香。
明时公道还堪信，莫遣锥锋久在囊。

宿渔家

李咸用

促杼声繁萤影多，江边秋兴独难过。云遮月桂几枝恨，
烟罩渔舟一曲歌。难世斯人虽隐遁，明时公道复如何。
陶家壁上精灵物，风雨未来终是梭。



旅馆秋夕

李咸用

牢落生涯在水乡，只思归去泛沧浪。秋风萤影随高柳，
夜雨蛩声上短墙。百岁易为成荏苒，丹青谁肯借梯航。
若教名路无知己，匹马尘中是自忙。

悼范攄处士

李咸用

家在五云溪畔住，身游巫峡作闲人。安车未至柴关外，
片玉已藏坟土新。虽有公卿闻姓字，惜无知己脱风尘。
到头积善成何事，天地茫茫秋又春。

送人

李咸用

一轴烟花满口香，诸侯相见肯相忘。未闻珪璧为人弃，
莫倦江山去路长。盈耳暮蝉催别骑，数杯浮蚁咽离肠。
眼前多少难甘事，自古男儿当自强。



春暮途中

李咸用

细雨如尘散暖空，数峰春色在云中。须知触目皆成恨，
纵道多文争那穷。飞燕有情依旧阁，垂杨无力受东风。
谁能会得乾坤意，九土枯荣自不同。

题陈正字林亭

李咸用

晓烟轻翠拂帘飞，黄叶飘零弄所思。正是低摧吾道日，
不堪惆怅异乡时。家林蛇豕方群起，宫沼龟龙未有期。
赖有平原怜贱子，满亭山色惜吟诗。

送从兄入京

李咸用

柳转春心梅艳香，相看江上恨何长。多情流水引归思，
无赖严风促别觞。大抵男儿须振奋，近来时事懒思量。
云帆高挂一挥手，目送烟霄雁断行。



秋夕书怀寄所知

李咸用

秋萤一点雨中飞，独立黄昏思所知。三岛路遥身汨没，
九天风急羽差池。年华逐浪催霜发，旅恨和云拂桂枝。
不向故人言此事，异乡谁更念栖迟。

酬进士秦颢若

李咸用

莺默平林燕别轩，相逢相笑话生前。低飞旅恨看霜叶，
曲写归情向暮川。在野孤云终捧日，朝宗高浪本蒙泉。
何劳怅望风雷便，且混鱼龙黠武年。

山中夜坐寄故里友生

李咸用

展转檐前睡不成，一床山月竹风清。虫声促促催乡梦，
桂影高高挂旅情。祸福既能知倚伏，行藏争不要分明。
可怜任永真坚白，净洗双眸看太平。



物情

李咸用

谁分万类二仪间，禀性高卑各自然。野鹤不栖葱蒨树，
流莺长喜艳阳天。李斯溷鼠心应动，庄叟泥龟意已坚。
成是败非如赋命，更教何处认愚贤。

金谷园

李咸用

石家旧地聊登望，宠辱从兹信可惊。鸟度野花迷锦障，
蝉吟古树想歌声。虽将玉貌同时死，却羨苍头此日生。
多积黄金买刑戮，千秋成得绿珠名。

投所知

李咸用

手欠东堂桂一枝，家书不敢便言归。挂檐晚雨思山阁，
拂岸烟岚忆钓矶。公道甚平才自薄，丹青好上力犹微。
谁能借与抟扶势，万里飘飘试一飞。



赠友弟

李咸用

萤焰烧心雪眼劳，未逢佳梦见三刀。他时讵有盐梅味，
今日犹疑腹背毛。金埒晓羁千里骏，玉轮寒养一枝高。
谁能终岁摇赆尾，唯唯洋洋向碧涛。

春日喜逢乡人刘松

李咸用

故人不見五春风，异地相逢岳影中。旧业久抛耕钓侣，
新闻多说战争功。生民有恨将谁诉，花木无情只自红。
莫把少年愁过日，一尊须对夕阳空。

夏日别余秀才

李咸用

岳麓云深麦雨秋，满倾杯酒对湘流。沙边细柳牵行色，
水面轻烟画别愁。敢待傅岩成好梦，任从磻石挂纤钩。
镜机冲漠非吾事，自要青云识五侯。



庐陵九日

李咸用

菊花山在碧江东，冷酒清吟兴莫穷。四十三年秋里过，
几般般事乱来空。虽惊故国音书绝，犹喜新知语笑同。
竟日开门无客至，笛声迢递夕阳中。

和人游东林

李咸用

一从张野卧云林，胜概谁人更解寻。黄鸟不能言往事，
白莲虚发至如今。年年上国荣华梦，世世高流水石心。
始欲共君重怅望，紫霄峰外日沈沈。

和彭进士秋日游靖居山寺

李咸用

秋山入望已无尘，况得闲游谢事频。问著尽能言祖祖，
见时应不是真真。添瓶野水遮还急，伴塔幽花落又新。
自笑未曾同逸步，终非宗炳社中人。



和彭进士感怀

李咸用

人生谁肯便甘休，遇酒逢花且共游。若向云衢陪骥尾，
直须天畔落旄头。三编大雅曾关兴，一册南华旋解忧。
四海英雄多独断，不知何者是长筹。

寄题从兄坤载村居

李咸用

邻并无非樵钓者，庄生物论宛然齐。雨中寒树愁鸱立，
江上残阳瘦马嘶。说与众佣同版筑，吕将群叟共磻溪。
覆巢破卵方堪惧，取次梧桐凤且栖。

送黄宾于赴举

李咸用

秋风昨夜满潇湘，衰柳残蝉思客肠。早是乱来无胜事，
更堪江上揖离觞。澄潭跃鲤摇轻浪，落日飞凫趁远樯。
渔父不须探去意，一枝春褭月中央。



冬日喜逢吴价

李咸用

垂杨烟薄井梧空，千里游人驻断蓬。志意不因多事改，
鬓毛难与别时同。莺迁犹待销冰日，鹏起还思动海风。
穷达他年如赋命，且陶真性一杯中。

题刘处士居

李咸用

压破岚光半亩馀，竹轩兰砌共清虚。泉经小槛声长急，
月过修篁影旋疏。溪鸟时时窥户牖，山云往往宿庭除。
干戈谩道因天意，渭水高人自钓鱼。

送李尊师归临川

李咸用

蟠桃一别几千春，谪下人间作至人。尘外烟霞吟不尽，
鼎中龙虎伏初驯。除存紫府无他意，终向青冥举此身。
辞我麻姑山畔去，蔡经踪迹必相亲。



投知

李咸用

西望长安路几千，迟回不为别家难。酌量才地心虽动，
点检囊装意又阑。自是远人多蹇滞，近来仙榜半孤寒。
嘶风重诉牵盐耻，伯乐何妨转眼看。

吴处士寄香兼劝入道

李咸用

谢寄精专一捻香，劝予朝礼仕虚皇。须知十极皆臣妾，
岂止遗生奉混茫。空挂黄衣宁续寿，曾闻玄教在知常。
但居平易俟天命，便是长生不死乡。

草虫

李咸用

如燥如织暮 ，应节催年使我愁。行客语停孤店月，
高人梦断一床秋。风低藓径疑偏急，雨咽槐亭得暂休。
须付画堂兰烛畔，歌怀醉耳两悠悠。



咏柳

李咸用

日近烟饶还有意，东垣西掖几千株。牵仍别恨知难尽，
夸衒春光恐更无。解引人情长婉约，巧随风势强盘纡。
天应绣出繁华景，处处茸丝惹路衢。

寄所知

李咸用

曾将俎豆为儿戏，争奈干戈阻素心。遁去不同秦客逐，
病来还作越人吟。名流古集典衣买，僻寺奇花赏酒寻。
从道趣时身计拙，如非所好肯开襟。

雪

李咸用

上帝无私意甚微，欲教霖雨更光辉。也知出处花相似，
可到贫家影便希。云汉风多银浪溅，昆山火后玉灰飞。
高楼四望吟魂敛，却忆明皇月殿归。

